



正祭

其日清晨執事者各實籩

豆酒尊

等器并滌爵

臨祭獻官也滌

獻官

具祭服

簽祝板于幕次執事者置祝于案

置帛于篚取毛血盤置神位前牲

案下將行禮執事者以牲匣盛牲

置于案未啓蓋通贊

唱

執事者各

就位

唱

陪祭官各就位

唱

獻官就

位贊引引獻官入就位通贊唱瘞
毛血執事者以毛血瘞於坎遂啓
牲世蓋

迎神

通贊唱迎神鞠躬拜興拜興
拜興平身獻官陪祭官皆四拜興
平身

奠帛行初獻禮

通贊唱奠帛行初獻禮捧帛者捧
帛執爵者執爵以俟贊禮唱詣盟

洗所引禮引獻官至盟洗所贊搯
笏執事酌水進巾獻官盟手悅手
訖盟手悅手不贊贊出笏獻官出笏贊

詣酒尊者所贊司尊者舉罍酌酒執
事者各以爵受酒贊詣某社神位
前引獻官詣神位前贊跪搯笏獻

官跪搢笏捧帛者跪進于獻官之
右獻官受帛獻帛以帛授執事者
奠于案執爵者進于獻官之右獻
官受爵贊獻爵獻官獻爵以爵授
執事者奠于神位前凡進帛進爵皆在獻官之

右奠帛奠爵皆在獻官之左

贊出笏獻官出笏

贊俯伏興平身獻官俯伏興平身

贊詣某稷神位前同上儀訖贊請詣讀

况位獻官詣讀祝位贊跪獻官跪

贊讀祝讀祝者取祝跪讀于獻官

之左畢興置祝于案贊俯伏興平

身獻官俯伏興平身贊復位獻官

復位

亞獻

通贊唱行亞獻禮贊引引獻官詣

酒尊所贊司尊者舉幕酌酒執事

者各以爵受酒贊詣某社神位前
引獻官詣神位前贊跪播笏獻官
跪播笏執爵者跪進于獻官之右
獻官受爵贊獻爵獻官獻爵以爵
授執事者奠于神位前贊出笏獻
官出笏贊俯伏興平身獻官俯伏
興平身贊詣某稷神位前同上儀贊
俯伏興平身獻官俯伏興平身贊
復位獻官復位

終獻

同亞獻儀

飲福受胙

通贊唱飲福受胙執事者設飲福
位于壇之中稍北執事者先於社
神前取羊一脚置于盤執事者於
酒尊所酌酒一盃對立俟于飲福位

之右贊引請獻官詣飲福位贊跪
搯笏獻官跪搯笏執事者以爵跪
進于獻官之右獻官受爵贊飲福
酒獻官飲訖以虛爵授執事者執
事者跪受爵于獻官之左以退贊
進胙執事者以胙跪進于獻官之
右獻官受胙以胙授執事者執事
者跪受于獻官之左捧由中道出
贊出笏獻官出笏贊俯伏興平身
獻官俯伏興平身贊復位贊兩拜
獻官陪祭官皆兩拜

徹饌

通贊唱徹饌執事者各詣神位前
以邊豆稍移動

送神

通贊唱送神贊鞠躬拜興拜興拜

興拜興平身獻官陪祭官皆四拜
興平身

望瘞

通贊唱讀祝官捧祝進帛官捧帛
各詣瘞所獻官陪祭官移身分東
西立俟捧祝帛者由中道過獻官
拜位通贊唱望瘞贊引贊詣望瘞
位引獻官至望瘞位執事者以祝
帛焚于坎中將畢以土實坎贊
通贊同唱禮畢

風雲雷雨山川城隍之神

凡各布政司府州縣每歲春秋仲月上巳

日同壇祭設三神位風雲雷雨居

中山川居左城隍居右若府州縣別稱日某

府某州某縣境同山川之神某府某州某縣城隍之神 風雲

雷雨帛四山川帛二城隍一俱白

色附郭。府州縣官止隨班行禮，不
必別祭。其祭物、祭器、獻官及齋戒
省牲、陳設、正祭迎神，並與社稷禮同，但臨
祭時，執事者先以毛血瘞于坎，通贊
不唱瘞毛。奠帛初獻，先詣風雲雷雨

神位前，次詣山川神位前，次詣城
隍神位前，次詣讀祝所，亞獻終獻
同初獻。不唱奠帛，讀祝飲福受胙，其胙亦
風雲雷雨神位前，取羊一脚，撤饌

送神，望燎。亦同社稷儀，但改瘞字為燎字。

祝文

維洪武 年 月 日

某官某等敢昭告于

風雲雷雨之神

某府州縣境內山川之神

某府州縣城隍之神曰惟

神妙用神機生育萬物奠我民居
足我民食某等欽承

上命職守方面布政司用忝職奉府州縣用今當仲春謹具牲醴
庶品用伸常祭尚

饗

嶽鎮海瀆帝王陵廟

凡五嶽五鎮四海四瀆及帝王陵廟已有
取勘定擬致祭去處所在官司以

春秋仲月上旬擇日致祭近布政司者布

政司官致祭近府州縣者府州縣官致祭各用帛一五

嶽五鎮四海各隨方色四瀆用黑
色帝王陵廟用白色其牲物祭器

儀注並與社稷同但獻官奠爵訖就讀祝惟瘞毛

血惟燎與祭風雲雷雨等神同具四海四瀆祝帛俱沉水中毛血仍

瘞之

祝文

五嶽如用東嶽則稱曰東嶽泰山之神餘倣此

惟

神靈峙方嶽鍾秀厚祇主司生民

其功允大時維仲春秋謹具牲醴庶

品用伸常祭尚饗

五鎮如用東鎮則稱曰東鎮沂山之神餘倣此

惟

神鍾秀崇高一方巨鎮封表有年

功著民社時維仲春秋謹具牲醴庶

品用伸常祭尚饗

四海如用東海則稱曰東海之神餘倣此

惟

神靈鍾坎德萬水所宗功利深廣

溥濟斯民時維仲春秋謹具牲醴庶

品用伸常祭尚饗

四瀆如用淮瀆則稱曰東瀆江淮之神餘倣此

惟

神鍾德靈長發源成溪潤澤所加
溥利民物時維仲春謹具牲醴庶
品用伸常祭尚饗

歷代帝王陵寢

惟

某帝王功加當時德垂後世陵寢
所在仰止益虔維時仲春謹具牲

醴庶品用伸祀禮尚饗

守禦官祭旗纛文官不預祭

凡各處守禦官俱於公廨後築臺立旗纛

廟設軍牙六纛神位春祭用鷩鷩

日秋祭用霜降日祭物用羊豕

一帛一白色祝一香燭酒果先期

各官齋戒一日至日守禦長官武

服行三獻禮若出師則取旗纛以

祭班師則仍置于廟儀注與社稷
同儀卷毛血望燎與風雲雷雨等神同

祭文

惟

神正直無私指麾軍士助揚威武
皆仗神功某等欽承

上命守禦茲土惟茲仲春謹以牲醴庶品用伸

常祭尚饗

以上各項祭祀壇廟宰牲為屋
牲帛日期並依已定制合用
牲匣籩豆簠簋尊爵盥洗等器
並如社稷壇祿制成造但案卓
用高卓

祭厲

凡各府州縣每歲春清明日秋七月十五
日冬十月一日祭無祀鬼神其壇

設於城北郊開府州名郡屬縣名
邑屬祭物牲用羊三豕三飯米三
石香燭酒紙隨用

儀注

先期三日主祭官齋沐更衣用常服
備香燭酒果詣本處城隍發告文
通贊者贊鞠躬拜興拜興平身詣
神位前跪進爵獻爵奠爵俯伏興

平身復位鞠躬拜興拜興平身焚
告文禮畢至日設城隍位於壇上
祭物用羊一豕一設無祀鬼神牌
於壇下左右如府則日本府境內無祀鬼神祭物

用羊二豕二解置于器同羹飯等
鋪設各鬼神位前執事者陳設畢
通贊者唱執事者各就位陪祀官
各就位主祭官就位鞠躬拜興拜

興拜興拜興平身詣神位前跪三
獻酒俯伏興平身復位讀祭文訖
鞠躬拜興拜興拜興平身以
祭文同紙焚訖贊禮畢

祭文
府州縣

維洪武 年 月 日某府官某

遵承

禮部劄付爲祭祀本府闔境無祀
鬼神等衆事該欽奉

皇帝聖旨普天之下后土之上無不有人無不
有鬼神人鬼之道幽明雖殊其理
則一故天下之廣兆民之衆必立
君以主之君總其大又設官分職
於府州縣以各長之各府州縣又
於每一百戶內設一里長以細領
之上下之職綱紀不紊此治人之

法如此

天子祭

天地神祇及天下山川王國各府州縣祭境內山川及祀典神祇庶民祭其祖先及里社土穀之神上下之禮各有等第此事神之道如此尚念冥冥之中無祀鬼神昔為生民未知何故而歿其間有遭兵刃而橫傷者有死於水火盜賊者有被人取財而逼死者有被人強奪妻妾而死者有遭刑禍而負屈死者有天灾流行而疫死者有為猛獸毒蟲所害者有為飢餓凍死者有因戰鬥而殞身者有因危急而自縊者有因墻屋傾頽而壓死者有死後無子孫者此等鬼魂或終於前代或

歿於近世或兵戈擾攘流移於他鄉或人煙斷絕久缺其祭祀姓名泯沒於一時祀典無聞而不載此等孤魂死無所依精魄未散結爲陰靈或倚草附木或作為妖恠悲號於星月之下呻吟於風雨之時凡遇人間節令心思陽世冤杳杳以無歸身墮沉淪意懸懸而望祭興言及此憐其慘悽故勅天下有司依時享祭在京都有秦厲之祭在王國有國厲之祭在各府州有郡厲之祭在各縣有邑厲之祭在一里又各有鄉厲之祭期於神依人而血食人敬神而知禮仍命本處城隍以主此祭欽奉如此今某等不敢有違謹設壇於城北以三月

清明日七月十五日置備牲醴羹飯專
祭本府闔境無祀神鬼等衆靈其
不昧來享此祭凡我一府境內人
民儻有忤逆不孝不敬六親者有
姦盜詐偽不畏公法者有拗曲作
直欺壓良善者有趨避差徭靠損
貧戶者似此頑惡奸邪不良之徒
神必報於

戒隍發露其事使遭官府輕則笞
決杖斷不得號為良民重則徒流
絞斬不得生還鄉里若事未發露
必遭陰譴使舉家並染瘟疫六畜
田蠶不利如有孝順父母和睦親
族畏懼官有遵守禮法不作非違
良善正直之人神必達之
城隍陰加護佑使其家道安和農

事順序父母妻子保守鄉里我等
闔府官吏人等如有上欺

朝廷下枉良善貪財作弊蠹政害民者靈必
無私一體昭報如此則鬼神有鑒
察之明官府非諂諛之祭尚享

祭告城隍文

某府遵承

禮部劄付為祭祀本廟無祀神鬼
事該欽奉

皇帝聖旨普天之下台土之上無不有人無不
有鬼神人鬼之道幽明雖殊其理
則一今國家治民事神已有定制
尚念冥冥之中無祀神鬼昔為生
民未知何故而歿其間有遭兵刃
而橫傷者有死於水火盜賊者有
被人取財而過死者有被人強奪

妻妾而死者有遭刑禍而負屈死
者有天災流行而疫死者有為猛
獸毒蟲所害者有為飢饉凍死者
有因戰鬪而殞身者有因危急而
自縊者有因墻屋傾頽而壓死者
有死後無子孫者此等鬼魂或終
於前代或歿於近世或兵戈擾攘
流移於他鄉或人煙斷絕久缺其
祭祀姓名泯沒於一時祀典無聞
而不載此等孤魂死無所依精鬼
未散結為陰靈或倚草附木或作
為妖怪悲號於星月之下呻吟於
風雨之中凡遇人間節令心思陰
世鬼杳杳以無歸身墮沉淪意懸
懸而望祭興言及此憐其慘悽故
勅天下有司依時享祭命本處城

陛以主此祭鎮控壇場鑒察諸鬼
等類其中果有生為良善誤遭刑
禍死於無辜者神當達於所司使
之還生中國來享太平之福如有
素為兇頑身死刑憲雖獲善終亦
出僥倖者神當達於所司屏之四
裔善惡之報神必無私欽奉如此
今其等不敢有違謹於 年 月
日於城北設壇置備牲酒羹飯享
祭本府無祀神鬼等衆然幽明異
境人力難為必資神力庶得感通
今特移文于

神先期分遣諸將召集本府闔境
鬼靈等衆至日悉赴壇所普享一

祭

神當欽承

勅命鎮控壇場鑒察善惡無私昭報為此合行
移牒請照驗欽依施行

里社

凡各處鄉村人民每里一百戶內立壇
一所祀五土五穀之神專為祈禱
雨暘時若五穀豐登每歲一戶輪
當會首常川潔淨壇場遇春秋二
社預期率辦祭物至日約聚祭祀

其祭用一羊一豕酒果香燭紙隨
用祭畢就行會飲會中先令一人
讀善強扶弱之誓其詞曰凡我同
里之人各遵守禮法毋恃力凌弱
違者先共制之然後經官或貧無
可贍周給其家三年不立不使與
會其婚姻喪葬有乏隨力相助如
不從衆及犯姦盜詐偽一切非為

之人並不許入會讀誓詞畢長幼
以次就坐盡歡而退務在恭敬神
明和睦鄉里以厚風俗

儀注

前祭一日會首及預祭之人各齋
戒一日會首先遣執事人掃除壇
所為瘞坎於壇所之西北方深取
足容物會首洗滌厨磨鑊器以淨
室為饌所至晚宰牲執事者以碟
取毛血與祭器俱寘於饌所祭器用光
瓦器祭日未明執事者於厨中烹牲
設五土五穀神位於壇上五土居
東五穀居西設讀祝所於壇上居
中間設會首拜位於壇下中間俱
南向設預祭人位於其後設引禮
及諸執事人位又於其後執事者

於饌所實祭物於碟內解牲體置
於二俎置酒于尊書祝文于紙祭
物既備執事者各捧設于神位前
燃香明燭自會首以下各服常服
盥手入就拜位立定執事者執壺
於尊中取酒立于五土神位之左
引禮者唱鞠躬拜興平身會
首以下唱鞠躬拜興平身執
事者取毛血爇于坎中引禮引會
首詣五土神位前唱跪會首詣五
土神位前跪舉盃執壺者斟酒引
禮唱三祭酒會首三祭酒訖引禮
唱俯伏興平身執壺者詣五穀神
位之左引禮引會首詣五穀神位
前唱跪會首詣五穀神位前跪舉
盃執壺者斟酒引禮唱三祭酒會

首三祭酒訖引禮唱俯伏興平身
會首俯伏興平身引禮唱就讀祝
位讀祝者取祝立于讀祝位之左
會首詣讀祝所引禮唱跪會首跪
唱讀祝讀祝者跪讀祝訖興置祝
于案引禮唱俯伏興平身會首俯
伏興平身引禮唱復位會首復位
引禮唱鞠躬拜興拜興平身會首
以下皆鞠躬拜興拜興平身執事
者徹祭物讀祝者取祝文焚瘞于
坎所禮畢行會飲讀誓文禮

祝文

維洪武 年 月 日

某府某州某縣某鄉某里某人等謹
致祭于

五土之神

五穀之神曰惟

神參替天造化發育萬物凡我庶民

悉賴生植時維仲春東作亦與秋歲事有成謹具牲

醴恭伸祈吉伏願雨暘時若五穀豐

登官賦足供民食充裕

神其鑒知尚享

鄉厲

凡各鄉以村每里一百戶內立壇一所祭

無祀鬼神專祈禱民庶安康享畜

蕃盛每歲三祭春清明日秋七月

十五日冬十月一日祭物牲酒饗

鄉俗置辦其輪流會首及祭畢會

飲讀誓等儀與祭里社同

祭文

某縣其鄉某村某里某社里長某

又承本縣官裁旨該欽奉

皇帝聖旨普天之下后土之上無不有人無不
有鬼神人鬼之道幽明雖殊其理
則一故天下之廣兆民之衆必立
君以主之君總其大又設官分職
於府州縣以各長之各府州縣又
於每一百戶內設一里長以細領
之上下之職綱紀不紊此治人之
法如此

天子祭

天地神祇及天下山川王國各府州縣祭境內
山川及祀典神祇庶民祭其祖先
及里社土穀之神上下之禮各有
等第此事神之道如此尚念冥冥
之中無祀神鬼昔為生民未知何
然而歿其間有遭兵刃而橫傷者
亦死於水火盜賊者有被人取財

以逼死者有被人強奪妻妾而死
者有遭刑禍而負屈死者有天災
流行而疫死者有為猛虎毒蟲所
害者有為飢饉凍死者有因戰鬪
而殞身者有因危急而自縊者有
因墻屋傾頽而壓死者有死後無
子孫者此等鬼魂或終於前代或
歿於近世或兵戈擾攘流移於他
鄉或人煙斷絕久缺其祭祀姓名
泯沒於一時祀典無聞而不載此
等孤魂死無所依精鬼未散結為
陰靈或倚草附木或作為妖怪悲
號於星月之下呻吟於風雨之時
凡遇人間節令心思陽世魂香香
以無歸身墮沉淪意懸懸而望祭
與言及此憐其慘悽故勅天下有

司依時享祭在京都有泰厲之祭
在三國有國厲之祭在各府州有
郡厲之祭在各縣有邑厲之祭在
一里又各有鄉厲之祭期於神依
人而血食人敬神而知禮仍命本
處城隍以主此祭欽奉如此今某
等不敢有違謹設壇於本里以三月

明日七月十五日

率願某人等百家

聯名于此置備羹飯肴物祭于本
里無祀神鬼等衆靈其不昧依期
來享凡我一里之中百家之內儻
有忤逆不孝不敬六親者有姦盜
詐偽不畏公法者有拗曲作直欺
壓良善者有趨避差徭靠損貧戶
者似此頑惡奸邪不良之徒神必
報於城隍發露其事使遭官府輕

則笞決杖斷不得號為良民重則
徒流絞斬不得生還鄉里若事未
發露必遭陰譴使舉家並染瘟疫
六畜田蠶不利如有孝順父母
睦親族畏懼官府遵守理法不作
非為良善正直之人神必達之域
隍陰加護佑使其家道安和農事
順序父母妻子保守鄉里如此則
鬼神有鑒察之明我民無諂諛之
祭靈其無私用垂昭格尚 享

祭告城隍文

某府某縣某鄉某村某里里長某
人率領某里民人某人等聯名謹
具狀告于

本縣城隍之神今來某等承奉
縣官裁旨遵依

上司所行爲祭祀本鄉無祀鬼神
事該欽奉

皇帝聖旨普天之下后土之上無不有人無不
有鬼神人鬼之道幽明雖殊其理
則一今國家治民事神已有定制
尚念冥冥之中有等不在祀典之
神不得血食之鬼竟無所依私顯
靈恠悲號於星月之下呻吟於風

雨之時憐其慘悽故勅天下有司
依時祭享鄉村里社一年三祭仍
命禮請本處城隍以主此祭鎮控
壇場鑒察諸鬼等類其中果有生
爲良善誤遭刑禍死於無辜者神
必達於所司使之還生中國來享
太平之福如有生爲兇惡身死刑
憲雖獲善終出於僥倖者神必屏

之四裔善惡之報神必無私欽奉
如此今某等不敢有違欽依於某
年某月某日就本里設壇謹備羹
飯肴物祭享于本鄉無祀神鬼等
衆然幽明異境人力難爲必資神
力庶得感通今特虔誠告于

神先期分遣諸將遍歷所在召集
本里鬼靈等衆至日悉赴壇所受
祭神當欽承

勅命鎮控壇場鑒察善惡無私昭報爲此謹具
狀

本縣城隍之神俯垂

照鑒謹狀

一天下府州縣合祭風雲雷雨山川社
稷城隍孔子及無祀鬼神等有司
務要每歲依期致祭其壇墀廟宇

制度牲醴祭器體式具載洪武禮
制諸司職掌

僚屬

屬合

以士之與祭
禮者為之

正司

以士之與祭
禮者為之

讀律證生



執事

執事

致仕官

僕

州同知判官
府同知通判
縣丞主簿

縣丞
主簿

正



階

作

飲鄉



酒圖

賓

賓

賓
賓
賓



賓

賓

賓



執事者

禮制六十八

鄉飲儀式

一鄉飲酒禮每歲正月十五日十月初一日二次舉行

一各處府州縣於儒學行鄉飲酒禮酒穀於係官錢內從實約量支辦務要豐儉得宜

一凡府州縣行鄉飲酒禮除僕外衆實

序齒列坐其僚屬則序爵

一鄉飲之設所以尊高年尚有德典禮讓敢有誼譁失禮者許揚解者以禮責之其或因而失禮者主席之人會衆罪之解音至罰爵也

鄉飲酒義曰賓主象天地也介僎象陰陽也三賓象三光也讓之三象月之三日而成魄也四面之坐象四

時也六十者坐五十者立侍以聽

政役所以明尊長也六十者三豆

七十者四豆八十者五豆九十者

六豆所以明養老也○主府以知

府縣以令位於東南○賓擇鄉里

年高有德及致仕官為之位於西

北○僎府以通判縣以丞或主簿

位於東北○介以次長位於西南

○三賓以賓之次者為之位於賓
主介僕之後○司正以眾所推服
者為之主揚觶以罰之○相及贊
以士之熟於禮者為之大司官制

儀注

一凡鄉飲酒禮主官衆官於庠門外會
集衆賓贊禮四人立東西階之側
通贊唱排班班齊唱揖平身主肅

賓至進賢樓下唱揖平身至次門

下唱揖平身至明倫堂下三讓主

賓舉禮三讓唱升階至月臺中執

事擊鼓唱升堂執事鋪席唱排班

班齊唱鞠躬拜興拜興兩拜平身

唱主賓以下各就席坐坐畢通贊

唱揚觶引贊至司正前唱詣揚觶

所通贊唱主賓以下皆起引贊引

司正至所執事者以酒授司正唱

揚觶揚觶畢引贊通贊同唱揖平

身引贊唱飲酒飲畢引贊通贊同

唱揖平身引贊唱復位通贊唱主

賓以下皆坐坐畢通贊唱讀律誥

引贊至讀律誥生前唱詣讀律誥

所通贊唱主賓以下皆起引贊引

生至所遂展律誥引贊通贊同唱

揖平身引贊唱讀律誥讀畢引贊

通贊同唱揖平身引贊唱復位通

贊唱主賓以下皆坐坐靜通贊唱

供案唱斟酒執事者斟酒斟畢唱

飲酒酒二行通贊唱供湯執事迺

湯週畢唱請湯主賓皆請湯畢通

贊唱供饌執事充厨被割猪首畢

執事下饌週畢通贊唱請饌訖通

贊又唱讀律誥其禮如前讀訖執

事者按行斟酒或五行或十行供

湯供饌其禮俱如前至畢通贊唱

徹案徹畢執事鋪席唱主賓以下

皆起唱賓酬主主酬賓賓主相酬

皆行兩拜禮唱排班班齊唱鞠躬

拜興拜興平身主賓皆兩拜平身

唱主送賓引禮四人引送率門外

唱排班班齊主賓東西相向唱揖

平身禮畢乃退大明令

一鄉飲酒禮凡鄉黨序齒及鄉飲酒禮

已有定式違者答五十大明律

鄉飲酒禮第五十大誥

鄉飲酒禮朕本不才不過申明古先哲王教

令而已所以鄉飲酒禮序齒幼論賢良別奸

頑異罪人其坐席間高年有德者居於上高

年淳篤者並之以次序齒而列其有曾違條
犯法之人列於外坐同類者成席不許干於
善良之席主者若不分別致使貴賤混淆察
知或坐中人發覺主者罪以違制奸頑不由
其主紊亂正席全家移出化外的不虛示鳴
呼斯禮始古先哲上之制要良民於宇內亘
古至今興者鄉里安隣里和長幼序無窮之
樂又何言哉吾今特申明之謹請昌否者亡

揚解詞曰恭惟

朝廷率由舊章敷崇禮教舉行鄉飲非為飲
食凡我長幼各相勸勉為臣盡忠
為子盡孝長幼有序兄友弟恭內
睦宗族外和鄉黨毋或廢墜以忝
所生

各項儀注

一日錄

前期結綵於禮部儀門及正堂設
香案于露臺上向日設金鼓于
儀門內兩傍設樂人于露臺下設
各官拜位于露臺上下俱向日立
至期欽天監官報日初食百寶具

朝服典儀唱班齊贊禮唱鞠躬樂
作四拜興平身樂止跪執事者捧
鼓詣班首前擊鼓三聲衆鼓齊鳴
候欽天監官報復圓贊禮唱鞠躬
樂作四拜興平身樂止禮畢

在外於布政司府州縣會同文武
官行禮

一月餘儀注同前但百官便服在內於

甲軍都督府救護在外於都司衛
所救護

一有司師生朔望行香

前件議得各處儒學每遇朔望有
司官務要至日五更詣學謁

廟師生出大門外迎接行禮畢請至明倫堂
師生作揖教官訓導侍坐生員東
西序立講書提調官考課畢各官

退師生仍送至大門外回學其別
廟行香師生不必隨行如遇春秋
祭祀迎接

詔旨師生仍依定例

一鞭春

每歲有司預期塑造春牛并芒神
立春前一日各官常服輿迎至府
州縣門外土牛南向芒神在東西
向至日清晨陳設香燭酒菓各官
具朝服贊禮引就位贊排班班齊
鞠躬四拜興平身班首詣前跪衆
官皆跪贊奠酒凡三贊俯伏興平
身復位又四拜畢各官執絲杖排
立於土牛兩傍贊者曰長官擊鼓
三聲播鼓贊者曰鞭春各官環擊
土牛者三贊禮畢

立春日祭勾芒神祝文

三陽肇泰萬象回春盛德在示斗
柄建寅惟神實司斯民是戴謹以
酒菓用伸奠獻尚 享大明令拾遺

一新官到任

凡有司新官受職赴任者未到城
一舍三而止先令人報知禮房吏
告示官屬及父老人等相率出城

來會令酒掃在一城應祀神祇祠宇
備牲醴祭儀以候謁告比至城外
齋宿三日第四日清晨父老人等
導引入城遍謁諸祠廟如儀致祭
其合用犧牲若係天下通祀山川
城隍等神俱用二牲其餘境內忠
臣烈士土神許用一牲祭物俱於
本處不係贓罰官錢內辦

祝文

維 年歲次 月 日

某衙門某官某敢昭告于

風雲雷雨之神山川社稷之神本處城

隍之神及應祀神祇曰某奉

命來官務專人事主典 神祭今者謁

神特與神誓神率幽冥陰陽表裏

予有政事不備希神默相使我政

興務舉以安黎庶予儻怠政姦貪

留害僚屬受害下民 神其降殃

謹以牲醴致祭 神其鑒之尚

饗

儀注

一到任之日詣諸神廟祭祀禮房先

備牲酒等物陳設禮生父老人等

導引新官同僚屬官吏詣廟贊禮

唱 執事者各就位主祭官就位 唱

迎神鞠躬四拜興平身贊禮 唱 行

初獻禮引贊引新官詣神位前贊

唱 跪 唱 獻爵執事者捧爵于左跪

授新官獻畢仍授執事者以爵奠

于神位前贊禮 唱 讀祝文 唱 衆官

皆跪執事者取祝跪讀訖贊 唱 俯

伏興平身復位贊 唱 行亞獻禮執

事者以爵酌酒奠于神位前終獻

如亞獻儀但減受胙并徹饌三獻

畢贊 唱 鞠躬四拜興平身贊 唱 焚

祝文執事者以祝文同紙錢於紙

爐內焚化贊 唱 禮畢

一到任之日本衙門預備儀仗皂隸

前期一日出城伺候至日清晨首

領官率領各房吏典并合屬官生

員人等迎接入城先詣神廟祭祀
畢便服引至本衙門儀門前下馬
具公服從中道入先於月臺上望
闕設香案禮生引新官詣香案前行五拜三叩
頭禮畢上廳坐公座皂隸排衙報
時辰擡書案至前吏房將公座呈
押畢去公服便服回座

一祭見先從門子庫子弓兵祇禁次
坊鄉里長次陰陽醫者次合屬吏
典次六房吏典俱行兩拜禮新官
坐受次坊鄉老人次大誥秀才次
生員次合屬官參見亦行兩拜禮
新官拱手答禮次首領官參見行
兩拜禮新官起立拱手答禮次佐
二官行兩拜禮新官出公座答禮
如是佐二官到任先受屬官首

領官行禮畢後至長官前行兩拜
禮長官出公座答禮畢諭僚屬曰
朝廷一官置吏欲其敬神恤民親賢遠奸興
利除害其不敏忝茲重任尚賴一
二僚屬及邑中長者匡其不逮庶
免後艱其四境之內利有當興弊
所當革者某等當共竭力為之以
安黎庶諭畢署押公文各房吏與
將該管一應已未完結事件施行
次第逐一開寫須知呈報新官署
押文書如係長官則交割印信倉
庫鑰匙等件畢照依各房呈報各
項須知事目逐一發落署理公事
畢將所祭牲酒與官屬父老享飲
而退以後凡遇外境出入即於本
衙門設壇總祭其九年考滿仍具

牲酒率官屬父老人等辭廟致祭
就以祭物出郊餞別而去其祝文
及所諭之言禮生代說亦可

已上俱
大明令

祝文

考滿公出辭神

某欽承

上命授職茲土忝斯重寄深慚無補今當

考績
公出

暫離任所昭告神明永冀相護謹

以牲醴用伸常祭尚享

考滿公出復任

某曩因

考績
公出

恭告爾神往返道途俱

獲清泰今茲復任祇謁神庭謹具

牲儀用伸常祭尚享

九年考滿辭神

某奉

命來官深慚竊祿無補於政無益於民今當九

載獻績

帝度行且有日特辭于神謹以牲醴用伸常祭

尚 享大明令拾遺

宣德十年七月奉

都察院丑字六百二十六號勘合
為申明禮儀事准禮部咨各布政
司按察司府州縣新官到任於本
處城隍廟會請應祀諸神用猪羊
二牲總祀具本各官題奏奉

聖旨是都准議欽此

禮部陶字一百一十七號勘合為
禮儀事洪武二十一年五月十一
日本部尚書李原名等於

奉天門欽奉

聖旨恁禮部將這儀注行移各處學校教生員
每講習今後但有新官到任就着

他做禮生贊引內中諭僚屬的言語也着他代說教人省得欽此

欽降禮制各

